

保嬰金鏡

薛氏醫按

吳郡薛 已註

江郡魏 一元校

面 部 見 色 主 症



元小兒半週兩
歲爲嬰兒三四
歲爲孩兒五六
歲爲小兒七八
歲爲少年九歲
以上十歲爲

金幼心鑑云小兒半歲之間有
際之間以名中食三指橫按之
右舉左手食指爲上中指爲中
熱主感風邪鼻塞氣粗發熱
外感內傷發熱吐瀉若食中指熱
指熱主夾驚食指熱主胃膈氣滿
額間赤色主心經風熱煩躁驚悸
或發叫哭屬本經實熱用瀉心湯
以清心火微赤則困臥而悸發熱
作渴飲湯屬虛熱用秘旨安神丸以
生心血青黑主驚風腹痛或瘳癇
啼叫青黑甚主心

腹疼此寒水勝心火爲賊邪用益黃散以補脾胃微
黃皮燥主驚悸此心經痺症用秘旨安神丸以養心
血骨蒸作渴盜汗頭髮乾黃此爲腎痺用地黃丸以
滋補肝腎○左臉青或兼赤乃肝經風熱項強頓悶
發搐目劓瘕癰用柴胡清肝散王之虛熱用地黃丸
補之青黑主肝熱脾虛寒驚搐腹痛用六君姜桂溫
之微赤主潮熱血虛心躁用秘旨安神丸佐以地黃
丸○右臉赤主肺大腸實熱氣粗欬嗽發熱飲水用
瀉白散若哽氣出氣唇白氣短屬虛熱用五味異功
散脾熱所傳用清胃散心火所刑用人參平肺散淡

赤主潮熱心躁或大便堅秘用宜明柴胡飲子以疎導其熱如潮熱未止更用釣藤飲以清肝補脾色青白主欬嗽惡心先用惺惺散解其未邪健其脾土繼以六君子湯調補中氣色青黑主驚風腹痛盤腸內吊此肝木侮脾土用六君子湯加釣藤釣以調補元氣不宜治肝○鼻色赤主脾胃實熱身熱飲水飲食如常用瀉黃散清熱理脾微赤主脾經虛熱飲食化而不思食用五味異功散以補中健脾胃以黃主小便不通鼻中乾燥氣粗衄血乃脾熱傳於肺腎先用濟生犀角地黃湯清熱養血後用此黃丸以滋益

胃水色淡白乃脾氣虛弱主泄瀉飲食不化用六君子以調補中氣青色主脾土虛寒肝木所勝用五味異功散加木香炮姜溫中平肝○頰間色赤主腎與膀胱陰虛有熱而小便不通用四物湯加山梔以養血清熱赤甚主膀胱氣滯而熱結用五淋散以分利其邪若鼻準微黃兼右腮微赤乃脾肺燥熱不能化生腎水用黃芩清肺飲膀胱陰虛陽無所生用滋腎丸若頰間微赤乃膀胱陽虛陰無所化用六味地黃丸若兼小腹脹滿或陰囊腫脹屬陰虛濕熱壅滯用六味丸加車前子牛膝兼脾肺氣虛不能通調水道

者亦用前藥其小便赤色久而尿血亦屬肝腎氣虛
有熱用六味地黃丸主之不應則用補中益氣湯益
脾肺生腎肝若小便後出白津或莖作痛者屬肝經
濕熱先用龍胆瀉肝湯後用六味地黃丸○印堂色
青黑主腹痛夜啼此脾經虛寒脾屬至陰故夜間腹
痛而啼川釣藤飲色淡白主泄瀉飲食不化屬脾氣
虛弱用五味異功散加木香主之○目內色青主肝
經風熱發驚若直視叫哭屬肝經實熱用抑肝散兼
咬牙頓悶屬虛熱用六味地黃丸色赤主心肝二經
發熱抽搐煩躁若小便赤屬小腸實熱用導赤散若

驚悸倦怠屬肝經血虛用六味地黃丸色黃主脾積
少食夜間發熱用四味肥兒丸飲食停滯吐瀉並作
用胃苓散去桂加茵陳山梔目鮮發搐眼眨屬風熱
相搏先用柴胡梔子散後用六味地黃丸眼胞微腫
主久咳惡心或脾疳食積用五味異功散補脾肺兼
肥兒丸以消積滯或目視不明或雀目揩拭眉眼此
欲生風也急用抑肝散以解之睛尾紅絲乃肝木勝
脾土先用四君子加柴胡山梔後用地黃丸○人中
色黃主傷食青主乳食不化噯噯酸腐此脾虛停滯
用平胃散以消積和中色青赤主驚肝氣傷脾用五

味異功散加柴胡以平肝補中○唇色白主吐涎嘔
逆或吐血便血乃脾氣虛弱不能攝涎統血歸源急
用六君子湯調補中氣則諸病自愈切忌涼藥若色
赤乾燥而皺者主脾經有熱發熱作渴口中氣臭大
便不通煩躁不寐先以清胃散治其熱更以六君子
湯加黃連山梔兼補其脾色黃主脾經食積泄瀉飲
食不化以六君子湯溫補中氣色赤兼白主衄血乃
脾肺虛熱不能攝血用聖濟犀角地黃湯以清熱補
血兼用六君子以補脾氣久不愈用麥門冬散或人
參補肺湯○口畔色黃主脾經積熱用清胃散以理

脾清熱若唇口抽動主驚熱不安用五味異功散加
山梔釣藤鈞以補脾平肝若口流涎唇色紫乃胃氣
虛寒也用益黃散若腹中痛口吐涎水者乃蟲痛也
先用蕪荑散後用調中丸不吐涎者乃積痛也但用
五味異功散調補胃氣手足並冷用理中湯加烏梅
溫補中氣則蟲不動而痛自止矣亦有積痛者或吐
后痛止或去后痛止者宜用消積丸消導積滯佐以
異功散調補胃氣○耳前微赤此少陽經風熱也用
柴胡梔子散生肝血清肝火微黃主睡中驚悸咬牙
因肝脾虛熱宜用四君子加芎歸以安神○耳輪乾

燥主骨痺蒸熱爲腎經虛熱也用六味地黃丸補之
若小便後出口津或陰莖痒痛者屬肝經濕熱也先
用龍胆瀉肝湯後用六味地黃丸若稟氣不足或早
近女色致小便澀滯或作痛如淋者急用六味地黃
丸補中益氣湯滋其化源或大小便道牽痛者尤爲
虛也亦用前藥加牛膝車前子肉桂救之如手足逆
冷或畏寒飲食陽氣虛寒也急加附子多有生者大
抵小兒之症多因稟賦臟氣不平或乳食寒暑失宜
或妊娠飲食起居六淫七情所致若初病元氣無虧
乳食如常發熱壯熱三便秘結作渴飲水臥不露睛

者悉屬形病俱實當治邪氣若病久元氣已虧食少
發熱口乾飲湯嘔吐泄瀉肢體畏寒臥而露睛者悉
屬形病俱虛當補正氣況今之小兒元氣與昔不同
用藥失宜脾胃先傷豈可泥古方而施治哉余故考
諸名家宗諸東垣於凡諸症各補以方藥治者能卽
色以驗其病察病以固其本斯無失矣是以古之治
病望色爲先也且驚則氣散脉亂不可專診故必兼
察色心鑑云若面色未盡當參之以指脉指脉未盡
當參之以面色色脉兼盡無餘蘊矣

治驗

一小兒瘕癧啼叫額間青黑此驚風肝木乘脾腹中作痛也先用六君子湯加木香柴胡釣藤鈎啼叫漸緩更加當歸又二劑而安

一小兒嘔吐不食手足搐搦痰涎上湧手足指冷額黑唇青此腎水勝心火也用五味異功散加木香炮姜頓安乃去炮姜再劑而愈

一小兒煩躁驚悸熱渴飲冷額間色赤此心經實熱所致先用瀉心湯一張稍緩又用柴胡梔子散而瘥一小兒四肢消瘦肚腹漸大寒熱嗜臥作渴引飲余曰症屬肝脾名爲丁奚哺露也以白朮散爲主佐以

徐氏十全丹月餘諸症漸愈乃以異功散加當歸及六味丸又月餘尋愈

一小兒患前症諸痺悉具熱如火灸病狀不能盡述朝用異功散夕用四味肥兒丸月餘諸症稍愈佐以地黃丸自能行立遂朝以地黃丸夕以異功散及蝦蟆丸數服而全愈

一小兒四肢消瘦肚腹脹大行步不能狀如蜘蛛頗能飲食作渴發熱去後臭穢此脾藏傷也以十全丹數服諸症漸愈又用異功散肥兒丸調理肢體如常

一小兒發熱拘急或四肢痠癢左顙色赤此心肝二

經風熱相搏先用柴胡清肝散以清心肝之熱次用六味地黃丸以生肝腎之血頓安

一小兒發搐啼叫手足指冷左顙青黑此肝脾虛弱腎水反侮脾土用六君子湯加姜桂一劑頓安又以四君子加芎歸及補肝散而愈

一小兒潮熱煩躁左顙青赤此心肝血虛用秘旨安神丸及四物湯加防風酸棗仁治之尋愈又用六味地黃丸調補肝腎而痊

一小兒潮熱發搐痰涎上湧手足指冷左顙至用茵陳時青中隱白手足時搐此肝經虛弱肺金所勝而潮

播脾土虛弱而手足冷也用補中益氣湯以調補脾
肺用六味地黃丸以滋補肝腎而愈蓋病氣有餘營
認爲元氣不足若用瀉金伐肝清熱化痰則誤矣

一小兒發熱該嗽右顙色赤此肺金有熱用瀉白散
而愈復感冒風邪前症更作又加聲重流涕用參蘇
飲加杏仁桑皮而愈但右顙仍赤兼額微赤此兼心
火乘肺金也用人參平肺散一劑遂痊

一小兒五歲作渴右腮鼻準微赤或飲冷水或服涼
藥卽時嘔吐余曰右腮微赤肺經虛熱也鼻準微赤
胃經虛熱也此胃虛不能生肺耳先用四君子加升

麻一劑服之而不吐又用白朮散二劑而不渴再用四君子四劑而安

一小兒潮熱煩渴大便乾實氣促咳嗽在顙色赤此肺與大腸有熱用柴胡飲子一服諸症頓退後因微驚又發搐咬牙頓悶此肝脾氣血虛也用四君子加芎歸鈞藤鈞而愈

一小兒咳嗽惡心鼻塞流涕右腮色青白此脾肺氣虛而外邪所乘先用惺惺散咳嗽頓愈但飲食不思手足指冷此外症雖去而元氣尚虛也用六君子少加升麻一劑而痊

一 小兒腰曲啼叫右腮色青黑此膽腹內痛卽盤腸
內疝也因脾土虛寒肝木來乘故耳用六君子加木
香釣藤鈎頓痊

一 小兒發熱飲食少思大便不實常服蘆薈等丸視
其鼻赤此寒涼之劑復傷脾土而虛熱也用五味異
功散數劑而元氣復

一 小兒小便不利鼻乾衄血鼻間色赤屬脾肺有熱
用濟生犀角地黃湯前症已愈後額間常赤作渴有
痰此稟賦腎氣不足用地黃丸而諸症皆痊

一 小兒發熱作渴用瀉黃散大便重墜口角流涎仍